

Áiteanna Ildánacha, Gaeltacht Uíbh Ráthaigh

Taighdeoir

Iarratas ar Thairiscintí

Tá Comhchoiste Ghaeltacht Uíbh Ráthaigh ag lorg tairiscintí foirmiúla do thionscadal taighde ar fhorbairt Ghaeltacht Uíbh Ráthaigh mar Áit Ildánach faoi scéim tacaíochta Áiteanna Ildánacha na Comhairle Ealaíon.

Is taighde riachtanach é seo a bheidh á dhéanamh i gcomhair leis na pobail áitiúla, lena n-áireofar oibrithe ealaíon agus cultúrtha agus cleachtóirí áitiúla, chun fíс chruthaitheach dhúchasach a nochtadh agus a spreagadh agus chun treoirphlean a chruthú chun an limistéar uathúil seo a fhorbairt mar áit chruthaitheach. Oibreoidh an taighdeoir i gcomhar le healaíontóir (féach cur síos ar leith ar an obair seo) chun an tionscadal a chuir i gcrích.

Is le tacaíocht ón gComhairle Ealaíon, Ealaín na Gaeltachta, Comhairle Contae Chiarraí, Comhpháirtíocht Forbartha Chiarraí Theas, Amergin Solstice Poetry Gathering, Plean Teanga Uíbh Ráthaigh agus Cairde Séipéal Naomh Mhichíl agus ag obair i gcomhpháirt le Tascfhórsa Uíbh Ráthach agus Éigse na Brídeoige atá an togra ag tarlú.

Fís agus Misean

Is í ár **gcomhfhís** fhadtéarmach do phobal bríomhar agus inbhuanaithe Gaeltachta, a bhfuil dlúth bhaint aici leis agus í fréamhaithe ina oidhreacht chultúrtha uathúil; líofa, muinéeach agus éagsúil ina cruthaitheacht; a bhfuil cláir ealaíon áitiúla agus náisiúnta ag freastal go maith uirthi.

Is é an **misean** atá againn don tionscadal seo:

- Cur chuige éagsúla cruthaitheacha a aimsiú agus a thriail, a bheidh cuimsitheach agus éagsúil laistigh de chomhthéacs ilteangach Uíbh Ráthaigh agus, ag an am céanna, ag tacú le stádas agus oidhreacht na Gaeltachta sa cheantar, agus ómós a thabhairt agus ceiliúradh a dhéanamh orthu.
- Inspioráid, tacaíocht agus spreagadh a thabhairt d'fhorbairt na n-ealaíon ilteangach go sóisialta, stiúrtha ag an bpobal ealaíne in Uíbh Ráthach, le samplaí cuí den dea-chleachtas
- Éisteacht chúramach a thabhairt don phobal ar fad agus freagra i bhfoirm forbartha agus úsáid struchtúir tacaíochta do thionchar fadtéarmach a thabhairt.
- Bunús leathan de rannpháirtíocht chruthaitheach agus inniúlacht a fhorbairt a thacóidh le comhtháthú sóisialta de réir mar a fhásann an pobal agus go leanann sé ar aghaidh ag éirí níos éagsúlaí.

Cé atá in ann iarratas a dhéanamh?

Féadfaidh taighdeoirí a bhfuil taithí chuí acu iarratas a dhéanamh (1) ina n-aonar, (2) mar bhall d'fhoireann taighdeoirí/eagraíochta nó (3) le healaíontóir gairmiúil a bhfuil taithí acu sa chleachtas ealaíon atá spreagtha go sóisialta chun tabhairt faoi ghnéithe den taighde riachtanach trí fheidhmchlár praiticiúil (féach cur síos oibre ar leith & táille ar leith d'ealaíontóirí).

Mura mbíonn comhiarratas idir an taighdeoir in éineacht le healaíontóir i gceist, cuirfidh an chomhpháirtíocht seirbhísí ealaíontóra ar fáil chun oibriú in éineacht leis an dtaighdeoir.

Príomhchumais agus príomhthaithe

- Taithí ar chomhairliúchán pobail agus le phróisis faoi stiúir an phobail san earnáil ealaíne
- Tuiscint mhaith ar chleachtas ealaíona ghníomhach shóisialta (*socially engaged arts practice*)
- Tuiscint atá forbartha go maith ar chomhthéacsanna tuaithe agus ar phobail tuaithe
- Scileanna cumarsáide agus idirphearsanta den scoth
- Scileanna comhoibrithe den scoth

I bhfianaise an chomhthéacs ar leith i nGaeltacht Uíbh Ráthaigh, tabharfaimid tús áite d'iarratasóirí:

- Gur féidir leo an obair a dhéanamh trí Gaeilge
- Atá sásta iad féin a lonnú sa cheantar le haghaidh cuid den tréimhse taighde ar a laghad.

Achoimre ar an dTaighde

Na ceisteanna taighde seo a leanas a fhiosrú leis an bpobal, agus oibriú i gcomhar le healaíontóir chun tuiscint fhrithpháirteach a mhúscailt ar chleachtas ealaíon atá spreagtha go sóisialta le pobal na n-ealaíon áitiúil. Samplaí de dhea-chleachtas spreagúil go hidirnáisiúnta a lorg agus a roinnt. Oibriú go dlúth le comhpháirtithe an tionscadail, ag tacú leo le moltaí chun a n-acmhainní aonair agus comhchoiteanna a chur i bhfeidhm ar bhealach níos iomláine agus níos éifeachtaí ar mhaithe leis an bpobal.

Príomhcheisteanna taighde

- Conas cur chuige cruthaitheach cuimsitheach a fhorbairt a chuireann fáilte roimh chruithaitheacht gach duine, laistigh de thiomantas don Ghaeilge agus dá háit i bhféiniúlacht an phobail agus an cheantair?
- Cad atá anseo sa cheantar chun tacú leis an gcruthaitheacht agus chun í a spreagadh agus cad eile atá ag teastáil?

- Conas is fearr comhtháthú sóisialta a chothú sa cheantar trí na healaíona, le dearcadh ar leith ag baill nua pobail ag bogadh isteach?
- Conas agus cén áit a insimid agus cá n-éistimid le scéalta a chéile agus conas a chumfaimid scéalta nua le chéile?

Agus aghaidh á tabhairt ar na ceisteanna thuas, tá sé ríthábhachtach an méid seo a leanas a thógáil san áireamh:

- Tá ionchur an phobail ar fad á lorg agus breathnófar ar riachtanais an phobail ar fad.
- Tá ionchur na gcleachtóirí ealaíon atá gníomhach sa cheantar á lorg agus déanfar moltaí a bhaineann lena riachtanais forbartha a chomhlíonadh.
- Déanfar moltaí chun acmhainní ealaíon nach n-úsáidtear go hiomlán faoi láthair a chur i bhfeidhm ar bhealach níos iomláine.
- Go gcasfar leis an bpobal i nGaeilge nó i mBéarla de réir mar a roghnaíonn siad.
- Oibriú i gcomhar leis an t-ealaíontóir, go bhfásfar tuiscint ar chleachtas sóisialta na n-ealaíon rannpháirteacha i measc na gcomhpháirtithe agus an phobail
- Go mbeidh samplaí idirnáisiúnta den dea-chleachtas á lorg, á mbreithniú agus á roinnt leis an bpobal agus leis na comhpháirtithe tionscadail.

Beidh dlúth bhaint ag an obair leis na nithe seo a leanas:

- Rannpháirtíocht leanúnach agus ghníomhach leis an bpobal mar chomhpháirtithe taighde, lena n-áirítear torthaí agus samplaí idirnáisiúnta a roinnt de réir mar is cuí
- Rannpháirtíocht leanúnach leis na comhpháirtithe tionscadail
- Taighde cáilíochtúil agus cainníochtúil, de réir mar is cuí agus comhaontaithe
- Cur chuige cruthaitheach a thástáil leis an bpobal de réir mar is féidir agus mar is cuí, tástáil a dhéanamh ar ‘cad é, cá huair, cathain agus cén chaoi’ maidir le rannpháirtíocht na n-ealaíon faoi threoir an phobail sa cheantar
- Tiomantas chun tacú le úsáid laethúil na Gaeilge sa phobal

Torthaí

Agus iad ag tabhairt faoin taighde seo, lorgaíonn na comhpháirtithe na torthaí seo a leanas:

- Moladh pobal-threoraithe do chlár agus rannpháirtíocht leanúnach agus inmharthanach ealaíona agus cruthaitheach i nGaeltacht Uíbh Ráthach
- Freagra shoiléir ar ábhair imní áitiúil maidir leis an *lacuna* i soláthar na n-ealaíon sa cheantar.
- Próiseas soiléir chun dearcadh comhroinnte a fhorbairt ar láidreachtaí cultúrtha Gaeltachta Uíbh Ráthach

- Soiléireacht ar na hacmhainní inláimhsithe agus doláimhsithe atá ar fáil, agus ar na céad chéimeanna eile maidir le conas acmhainní ealaíon tearc-úsáidte a chur in úsáid ar bhealach níos fearr.
- Plean comhtháite do thacaíochtaí ealaíon sa cheantar, lena n-áirítear forbairt cleachtais ealaíon ghníomhach shóisialta (*socially engaged arts practice*).
- Comhpháirtíocht ghníomhach de pháirtithe leasmhara, lena n-áirítear baill an phobail, le gealltanais shoiléire maidir le hinfheistiú i agus tacú le clár fadtéarmach forbartha ealaíon in Uíbh Ráthach.
- Cur chuige aontaithe, comhsheasmhach agus cruthaitheach chun dul i ngleic leis an nGaeilge sa chlár seo.
- Líonra tacaíochta náisiúnta agus idirnáisiúnta, inspioráid agus comhairle don tionscadal ag dul chun cinn.

Amscála

Meastar gur cheart an obair a dhéanamh thar thréimhse sé mhí dhéag agus gur cheart tús a chur léi tráth nach déanaí ná Deireadh Fómhair 2021 nó dáta eile faoi réir comhaontú conartha. Ní conradh lánaimseartha é seo agus is faoin iarratasóir atá sé sceideal cuí a mholadh, in éineacht leis an ealaíontóir ceaptha (e.g. obair pháirtaimseartha leanúnach, bloic de shaothar níos déine etc).

Buiséad

Is €20,000 an táille don taighde seo, CBL san áireamh.

Acmhainní agus Tacaíocht Bhreise ar fáil

Tuairisceoidh an taighdeoir d'ionadaí ainmnithe de chuid an ghrúpa comhpháirtíochta agus beidh caidreamh tuairiscithe rialta acu leis an ngrúpa.

Éascóidh comhpháirtithe an tionscadail na teagmhálacha tosaigh laistigh den phobal agus cuirfidh siad teagmhálacha agus tacaíocht eile ar fáil de réir mar is féidir agus is gá.

Déanfaidh Comhchoiste Ghaeltacht Uíbh Ráthaigh bainistíocht airgeadais ar an togra.

Beidh oifig agus spás cruinnithe don taighdeoir ar fáil in Eaglais Naomh Micheál, An Coireán.

Cuirfear spás breise deisce ar fáil in GTeic Bhaile an Sceilg, le seirbhís iomlán le rochtain idirlín ardluais.

Rochtain ar ghléas priondála, córas fuaime, córas soilsíúcháin, teilgeoir pictiúrlainne, scáileán agus scáileán lasmuigh trí Comhchoiste Ghaeltacht Uíbh Ráthaigh/Éigse na Brídeoige.

Cuirfidh comhpháirtithe an tionscadail a gcainéil chumarsáide ar fáil chun obair an taighdeora a chur chun cinn sa phobal.

Moltar d'íarratasóirí an méid seo a leanas:

- Beidh íocaíochtaí faoi réir PSWT mar is cuí.
- Déanfar íocaíocht ar bhonn shonrais, agus beidh an sceideal seo a leanas á chur i bhfeidhm: trian ar thosach feidhme, trian ag céim na dréacht-tuarascála agus trian ar chríochnú.
- Slánaíocht ghairmiúil agus árachas dliteanais phoiblí ag teastáil.
- Beidh gá le dréacht-tuarascáil ina mbeidh moltaí. Ba cheart go dtabharfadh an tuarascáil cuntas ar an méid taighde/comhairliúcháin atá déanta. Ba cheart go leagfaí amach sa tuarascáil freisin aon saincheistanna a bheidh le réiteach chun an tionscadal a chur chun cinn mar thoradh ar an bpróiseas comhairliúcháin agus aon mholtaí ina leith sin.

Conas iarratas a dhéanamh

Ní mór duit na doiciméid seo a leanas a chur isteach trí ríomhphost, le 'Taighdeoir – Iarratas' mar teidil chuig creativeplacesur@gmail.com roimh an 6ú Lúnasa 2021.

- CV atá suas go dáta
- Sonraí de thaithí ábhartha go dtí seo
- Moladh i dtaobh an togra taighde, nach bhfuil níos mó ná cúig leathanach A4 clóscríofa, a dhéanann cur síos ar chur chuige i leith treoiphlean taighde, lena n-áirítear ceistanna buiséadacha
- Briseadh síos ar tháille an taighdeora
- Amlínte molta maidir le seachadadh an togra

Critéir Roghúcháin

Roghnófar tairiscintí le dul ar aghaidh lena mbreithniú bunaithe ar 'pas' thar gach catagóir atá liostaithe thíos. Cuireann 'teip' in aon chatagóir amháin deireadh leis an tairiscint ag dul ar aghaidh do chritéir dhámhachtana a scóráil. Déanfar aighneachtaí ag an gcéad chéim seo a mheas faoin méid seo a leanas:

Critéir Roghúcháin	Pas / Teip
Taithí ar thionscadail/taighde den chineál céanna	
Tuiscint ar sonraí na hoibre, mar a leagtar amach thuas	
Cumas plé le gnéithe Ghaeilge an togra mar a shonraítear thuas	
Sonraí teagmhála (ríomhphost agus guthán) beirt mholtóir	

Mar dara chéim, beidh na Critéir Dhámhachtana bunaithe ar scór iomlán (1000) a chionroinnfear mar seo a leanas:

Critéir Dhámhachtana	Leithdháileadh Marcáil Iomlán 1000
Freagra ar sonraí na hoibre, mar a leagtar amach thuas & ábharthacht na haighneachta, tuiscint ar an gcomhthéacs ealaíona áitiúil san áireamh	500
Scileanna cumarsáide, idirphearsanra & comhoibrithe	200
Buiséad	150
Fráma Ama & Téarmaí Sheachadadh	150

Agallamh

Forchoimeádtar an ceart agallamh a chuir ar an t-iarrthóir/na hiarrthóirí le na scóir is airde.

Modhanna malartacha

Leis an nglaio seo ar thairiscintí, féachtar le taighdeoir a bhfuil taitheí acu a fhostú agus is próiseas é a chomhlíonann na ceanglais soláthair phoiblí iomchuí. I gcás nach measfar aon iarrthóir a bheith oiriúnach, forchoimeádtar na príomhaithe an ceart modhanna malartacha soláthair a úsáid, m.sh. cuireadh díreach.

Ceisteanna

Aon cheisteanna breise, nó má tá fonn ort labhairt le duine faoin ról, cuir ríomhphost chuig creativeplacesur@gmail.com agus 'Taighdeoir – Fiosrúchán' mar líne ábhair.